

Na Gàidheil agus na Cruithnich

Cha robh **rìoghachd** Ghàidhealach Dhalriata ach beag an taca ri **rìoghachd** mhòr nan **Cruithneach**. Bha **crìochan** nan **Cruithneach** gu taobh tuath agus taobh sear **crìochan** nan Gàidheal. Bha meadhan na cumhachd aca ann an sgìre Aonghais air an taobh sear agus ann an sgìre Rois air an taobh tuath.

Bha an dà **shluagh a' strì** ri chèile iomadach uair, ach cha deach **ionnsaigh** a thoirt air dùthaich nan Gàidheal an Earra-Ghàidheal agus Ceann Tìre chun an 9mh **linn**. Ann an 811, ge-tà, fhuair Custantin mac Forcusa, rìgh nan Cruithneach, **ceannas** air **rìoghachd** nan Gàidheal airson greis.

Thàinig na Lochlannaich mu 800AC, agus bha ceist ceannas nan Gàidheal a-rithist air a ceangal ri feachdan.

Goirid an dèidh sin, mu 843AC, thàinig an dà **shluagh**, na Gàidheil agus na **Cruithnich**, gu chèile fo **cheannas** Choinnich mhic Ailpin. Fhuair Coinneach **ceannas** air na Gàidheil agus **smachd** air **rìoghachd** nan **Cruithneach** mu 834. B' e Coinneach I an rìgh mu dheireadh air Dalriata. Chuir e an dà **rìoghachd** còmhla mar aon rìoghachd aonaichte, Alba. Bha iad le chèile a-nis a' seasamh an aghaidh **nàmhaid** eile - na Lochlannaich.

